



АРХАНГАЙ АЙМАГ ДАХЬ ТӨРИЙН АУДИТЫН ГАЗАР

Аудитын сэдэв:

УЛС, ОРОН НУТГИЙН ТӨСВИЙН 2022 ОНЫ ХӨРӨНГӨ ОРУУЛАЛТЫН
ТӨЛӨВЛӨГӨӨНИЙ ХЭРЭГЖИЛТ, ҮР ДҮН СЭДЭВТ ТАЙЛАНГИЙН
ХУРААНГУЙ

Аудит хийсэн

үндэслэл, бүрэн эрх:

Аудитыг Төрийн аудитын тухай хуулийн 6 дугаар зүйлд заасан бүрэн
эрхийн хүрээнд, Улсын Их Хурлын Төсвийн байнгын хорооны 2022
оны “Аудитын сэдэв батлах тухай” 9 дүгээр тогтоол, Монгол Улсын
Ерөнхий аудиторын 2023 оны А/04 дугаар тушаалаар батлагдсан
“Аудитын жилийн төлөвлөгөө”-ний дагуу хийж гүйцэтгэв.

Аудитын гол дүгнэлт:

**УЛС, ОРОН НУТГИЙН ТӨСВИЙН 2022 ОНЫ ХӨРӨНГӨ
ОРУУЛАЛТЫН ТӨЛӨВЛӨГӨӨНИЙ ХЭРЭГЖИЛТ 75.2
ХУВЬТАЙ БАЙНА**

**Тайланг хүргүүлсэн
этгээд:**

Үндэсний аудитын газар, аймгийн ИТХ, Засаг дарга, Орон нутгийн
өмчийн газар, Газрын харилцаа, барилга, хот байгуулалтын газар

АРХАНГАЙ АЙМАГ

2023 оны 06 дугаар сар

Аудитын харилцан хамаарал: Аудитын төлөвлөлтийн явцад судалсан баримт материал, хийсэн урьдчилсан дүн шинжилгээ, харилцан ярилцлагад үндэслэн “Улс, орон нутгийн төсвийн 2022 оны хөрөнгө оруулалтын төлөвлөгөөний хэрэгжилт, үр дүн”-д хийх аудитын ерөнхий эрсдэлийг “Дунд” гэж үнэлсэн.

Аудитын зорилго, зорилтууд, хамарсан хүрээ: Улс, орон нутгийн төсвийн 2022 оны хөрөнгө оруулалтын төлөвлөгөөний хэрэгжилт, үр дүнд гүйцэтгэлийн аудит хийж, дүгнэлт гарган зөвлөмж боловсруулан дүнг холбогдох байгууллага, албан тушаалтанд танилцуулахад аудитын зорилт чиглэгдлээ.

Уг зорилтыг хангахын тулд дараах дэд зорилтын дагуу аудитыг хийж гүйцэтгэлээ. Үүнд:

- Хөрөнгө оруулалтын ТАХ-г хууль, хөгжлийн бодлогын баримт бичигтэйнийцүүлэн төлөвлөсөн эсэх;
- Хөрөнгө оруулалтын төлөвлөгөөг хэрэгжүүлэх үйл ажиллагаа хуульд нийцсэн эсэх;
- Орон нутгийн төсвийн хөрөнгө оруулалт үр дүнтэй хэрэгжсэн эсэх;

Аудитын гол дүн: Аудитаар нийт **16,971.3 сая төгрөгийн** зөрчил илэрснээс 7,399.3 сая төгрөгийн зөрчилд 11 албан шаардлага, 9,572.0 сая төгрөгийн зөрчилд 6 заалт бүхий зөвлөмжийг аймгийн Засаг дарга болон холбогдох байгууллагуудад хүргүүлээ. Мөн аудитын тайлангаар Үндэсний аудитын газарт 2 заалт бүхий уламжлах саналыг хүргүүлэв.

ХӨРӨНГӨ ОРУУЛАЛТЫН ТӨСӨЛ, АРГА ХЭМЖЭЭНИЙ 83.4 ХУВИЙГ ХУУЛЬ, ХӨГЖЛИЙН БОДЛОГЫН БАРИМТ БИЧИГТЭЙ НИЙЦҮҮЛЭН ТӨЛӨВЛӨСӨН БАЙНА

Монгол Улсын 2022 оны төсвийн тухай хуулиар Архангай аймагт батлагдсан 282,047.2 сая төгрөгийн төсөвт өртөгтэй 55 ТАХ-ний 182,457.9 сая төгрөгийн 30 ТАХ нь Монгол Улсын 2021-2025 оны хөрөнгө оруулалтын хөтөлбөртэй уялдсан */ойролцоо утгаар авсан/*, 99,589.3 сая төгрөгийн 25 ТАХ нь уялдаагүй байна.

Хууль батлагдсаны дараа аймгийн ТЕЗ нь дунд болон богино хугацааны бодлогын бичгийг ИТХ-д өргөн мэдүүлж, батлуулсан боловч төсвийн хуульд тусгагдсан 6,650.0 сая төгрөгийн төсөвт өртөгтэй 7 ТАХ-г 2022 оны жилийн төлөвлөгөөнд тусган батлуулаагүй байна.

Салбар яамдын ТЕЗ-д нь зураг төсөвгүй, ажлын даалгавар хангалтгүй, бусад зөвшөөрөл шийдэгдээгүй, аймгийн ТЕЗ-ийн саналд үндэслэгдээгүй хөрөнгө оруулалтыг батлуулж, хэрэгжүүлэх нөхцөлийг бүрдүүлсэн байна.Тухайлбал:

1. Барилга хот, байгуулалтын Сайдаас эрх шилжүүлсэн 30,000.0 сая төгрөгийн төсөвт өртөгтэй “Аймгийн төвийн гэр хорооллын шинэчлэл, дэд бүтэц” ТАХ нь батлагдсан зураг төсөвгүйгээр ТБОНӨХБАҮАТХ-ийн 8.10¹-д заасны дагуу зохион байгуулсан.
2. Худалдааны гудамжны инженерийн байгууламжийн засвар, шинэчлэлийн 300.0 сая төгрөгийн төсөвт өртөгтэй тендер худалдан авалт нь зураг төсөвгүйгээр ажлын даалгавраар зохион байгуулсан. Зураг төсөв, ТЭЗҮ нь Барилгын хөгжлийн төвийн 2022.09.13-ны магадлалын ерөнхий дүгнэлтээр 489.6 сая төгрөгөөр баталгаажуулж төсөвт өртөг магадлалын зөрүү 189.6 сая төгрөг болж нэмэгдсэн.
3. Соёлын сайдаас эрх шилжсэн Төв Монголын байгаль, түүх, соёлын цогцолборын барилгын ажлын газрын археологийн дүгнэлт эцэслэгдэн шийдэгдээгүй байхад баталсан.

Ын ¹ 8.10. Зураг төсөл, барилга угсралт, тохируулгын ажлыг энэ хуулийн 5.1.16-д заасан журмаар түлхүүр гардуулах гэрээгээр гүйцэтгүүлэхээр бүхэлд нь тендер зарлаж болно

4. Байгаль орчин аялал жуулчлалын Сайдаас эрх шилжүүлсэн Цөлжилттэй тэмцэх ногоон байгууламжийг нэмэгдүүлэх ажлыг гүйцэтгэсэн газрын байршил оновчгүй, тохирох ажлыг гүйцэтгээгүй.

ХӨРӨНГӨ ОРУУЛАЛТЫН ТӨЛӨВЛӨГӨӨГ ХЭРЭГЖҮҮЛЭХ ҮЙЛ АЖИЛЛАГААНЫ 72.7 ХУВЬ НЬ ХУУЛЬД НИЙЦСЭН БАЙНА.

Төрийн болон орон нутгийн өмчийн хөрөнгөөр бараа ажил үйлчилгээ худалдан авах тухай хуулийн 45.6²-д заасны дагуу МУЗГ-ын 2021 оны 12 дугаар сарын 01-ны 359 дүгээр тогтоолоор яамны сайд нарын багцаас Улсын төсвийн хөрөнгө оруулалтаар хэрэгжүүлэх 116,583.2 сая төгрөгийн өртөг бүхий 27 төсөл арга хэмжээний тендер зохион байгуулах эрхийг орон нутагт шилжүүлжээ. Нийт 27 ТАХ-ний ХАА-г зохион байгуулахдаа төсөвт өртөгт уялдуулан 85.7 хувийг нээлттэй тендер шалгаруулалтаар, 10.7 хувийг харьцуулалтын аргаар, 3.6 хувийг зөвлөх үйлчилгээний тендерээр шалгаруулсан байна. Тайлант жилд зохион байгуулсан тендерийн баримт бичгийг хууль журмын дагуу боловсруулсан эсэхийг хянахад дараах зөрчил илэрсэн. Үүнд:

- ✓ Боловсрол, шинжлэх ухааны Сайдаас эрх шилжүүлсэн Батцэнгэл, Хотонт, Жаргалант суманд нэг маягийн зургаар баригдах 2,882.0 сая төгрөгийн төсөвт өртөгтэй хүүхдийн цэцэрлэгийн барилгын тендерийн баримт бичгийг боловсруулахдаа үнэлгээний хорооны гишүүд тендерийн баримт бичигт тавигдах санхүүгийн чадавх үзүүлэлтийг өөр, өөрөөр тусгасан.

УЛСЫН ТӨСВИЙН 2022 ОНЫ ХӨРӨНГӨ ОРУУЛАЛТААР ХЭРЭГЖҮҮЛСЭН ТӨСӨЛ АРГА ХЭМЖЭЭНИЙ 17.7 ХУВЬ НЬ ҮР ДҮНГҮЙ БАЙНА.

- ✓ Боловсрол, шинжлэх ухааны Сайдаас 2019 онд эрх шилжүүлсэн “Архангай аймгийн Тариат сумын 50 ортой хүүхдийн цэцэрлэгийн өргөтгөлийн барилгын ажил”-ын гүйцэтгэгч “Хорго групп” ХХК-нд 2021 оны байдлаар нийт 337.4 сая төгрөг буюу 70 хувийн санхүүжилтийг олгосон хэдий ч 2020-2021 онд цутгасан суурийн бетоны бат бэх нь стандартад заасан хэмжээнд хүрээгүй тул буулгуулж дахин шинээр бетон цутгуулсан, 2021-2022 онд 1-р давхрын хучилтын бетоны зузаан стандартын хэмжээнд хүрээгүй учраас хучилтыг буулгуулж хавтан тавих арга хэмжээг авчээ.
- ✓ Байгаль орчин, аялал жуулчлалын Сайдаас 2019 онд эрх шилжүүлсэн “Өгийнуурын бохирдолт, ширгэлтээс хамгаалах, урсцыг сайжруулах ажил”-ын гүйцэтгэгч “Эвт уул” ХХК-д 2021 оны байдлаар 1,708.2 сая төгрөг буюу 42.7 хувийн санхүүжилт олгосон, 2022 онд аймгийн Газрын харилцаа, барилга хот байгуулалтын газрын 2022.06.28-ны өдрийн 569 дугаар албан бичгээр “Эвт-уул” ХХК-д гэрээний үүрэг хариуцлагын дагуу барилгын ажлыг дуусгаж, байнгын ашиглалтад хүлээлгэн өгөхийг мэдэгдсэн хэдий ч ажил гүйцэтгэх талаар арга хэмжээг аваагүй байна.
- ✓ Боловсрол шинжлэх ухааны яамнаас 2019 онд хэрэгжүүлсэн “Өгийнуур сумын 120 хүүхдийн дотуур байрны барилгын ажил”-ын гүйцэтгэгч “Хатант Констракшн” ХХК-д 2020 онд 800.0 сая төгрөгийн санхүүжилт олгогдсон, 2021 онд санхүүжилт хуваарилаагүй тул ажил хийгдээгүй, 2022 онд барилгын 1, 2 давхрын каркасны бетоны цутгалтын ажил чанаргүй болсон нь лабораторийн дээж шинжилгээгээр нотлогдсон тул өөрийн хөрөнгөөр хүчитгэх арга хэмжээ авч ажиллах талаар удаа дараа шаардаж мэдэгдсэн боловч хэрэгжүүлээгүй байна.

Аймгийн Засаг даргад эрх шилжүүлсэн 38 төсөл, арга хэмжээний санхүүжилтийг гүйцэтгэлийн баталгааг үндэслэн газар дээр нь тулган шалгахад дараах 2 ТАХ нь ажлыг гүйцэтгээгүй байхад санхүүжилтийг олгосон байна. Үүнд:

- ✓ Аймгийн Засаг даргад эрх шилжүүлсэн 2022 онд шинээр хэрэгжих “Аймгийн төвийн гэр хорооллын шинэчлэл, дэд бүтэц /Архангай / ажил”-ын гүйцэтгэгч “Энигма констракшн” ХХК-нд 2022.06.30-нд урьдчилгаа төлбөрийн баталгаагаар 840.0 сая төгрөг

² 46.1.Захиалагч бараа, ажил, үйлчилгээг худалдан авах талаар дараахь эрх, үүрэгтэй байна:

- ✓ Аймгийн Засаг даргад эрх шилжүүлсэн 2022 онд шинээр хэрэгжих “Төв Монголын байгаль, түүх, соёлын цогцолборын ажил”-ын гүйцэтгэгч “Энигма констракшн” ХХК-нд 2022.06.30-нд урьдчилгаа төлбөрийн баталгаагаар 750.0 сая төгрөгийг тус тус олгожээ.

Архангай аймгийн Засаг даргад эрх шилжүүлсэн 6,215.5 сая төгрөгийн төсөвт өртөгтэй “Хархорин-Цэцэрлэг чиглэлийн А0602 дугаартай авто замаас Өгийнуур- Батцэнгэл чиглэлийн А027 дугаартай мянганы замын хэвтээ тэнхлэгийн авто зам хүртэлх 7 км хатуу хучилттай авто замын ажил”, 1,597.7 сая төгрөгийн төсөвт өртөгтэй “Тариат сумын дасгалын төмөр бетон гүүр барилга угсралтын ажил”-ын гүйцэтгэгчтэй байгуулсан гэрээний 7 дахь заалтад хүчингүй болсон “Сангийн Сайдын 2019 оны 282 дугаар тушаалаар баталсан “Төсвийн хөрөнгө оруулалтаар хэрэгжүүлэх төсөл, арга хэмжээг төлөвлөх, санхүүжүүлэх, хянах, тайлагнах журам”-ыг тусгасан зөрчил илэрсэн.

Аймгийн ЗДТГ-ын хяналт шинжилгээ, үнэлгээний хэлтэс, Санхүүгийн хяналт, аудитын албанаас улс, орон нутгийн төсвийн 2022 оны хөрөнгө оруулалтын төлөвлөгөөний хэрэгжилт, үр дүнд хяналт шинжилгээ, үнэлгээ, хяналт шалгалтын үйл ажиллагаа явуулаагүй нь өмнөх аудитаар өгсөн зөвлөмжийг хэрэгжүүлээгүй, алдаа зөрчлийг давтан гаргасан.

Улсын төсвийн 2022 оны хөрөнгө оруулалтаар хэрэгжүүлсэн 3 төсөл, арга хэмжээний гүйцэтгэгч улсын комиссоос өгсөн үүрэг даалгаврыг хэрэгжүүлээгүй байна.



1. Архангай аймгийн Чулуут сумын 240 хүний суудалтай соёлын төвийн барилгын ажлын гүйцэтгэгч “Эсгэл” ХХК нь комиссын актаар хүлээлгэн өгсөн 14 заалт үүрэг даалгавраас 1, 2 дугаар давхрын “00”, дүүшний агааржуулалтыг холбох, 2 дугаар давхрын “00” өрөөний хагархай угаалтуурыг солих, Соёлын төвийн хаяг хийж өгөх, барилгын бичиг баримт, зураг төсвийг ашиглагч байгууллагад 1 хувийг хүргүүлэх зэрэг ажлуудыг гүйцэтгээгүй.

2. Архангай аймгийн Эрдэнэбулган суманд “Цөлжилтөөс хамгаалах ногоон байгууламжийн ажлын гүйцэтгэгч “Мастер эрчим” ХХК нь улсын комиссоос өгсөн үүрэг даалгавраас явган хүний хаалгыг мал орохгүйгээр өөрчлөх ажлыг гүйцэтгээгүй мөн ашиглалтын явцад саравчны дээвэр эвдэрч, давхарласан дээврийн цаас хууларсан, 2ш хогийн сав эвдэрсэн байлаа.



3. Архангай аймгийн Эрдэнэбулган сумын худалдааны гудамжны инженерийн байгууламжийн засвар, шинэчлэл хийх ажлын гүйцэтгэгч “Юу зэт Эрдэнэ” ХХК нь 2022.12.14-ны өдрийн ББАОКД-2022/72 дугаар улсын комиссоос өгсөн үүрэг даалгавруудыг огт хэрэгжүүлээгүй байдалтай байлаа.

Гэрээний хугацаанд бүрэн хэрэгжиж ашиглалтад хүлээлгэн өгсөн 14 төсөл, арга хэмжээний гэрээг дүгнэж ажилласан байна. Харин гэрээний хугацаанд хэрэгжээгүй он дамжсан 2 төсөл, арга хэмжээний гэрээг дүгнэж хариуцлага тооцоогүй байна. Үүнд:

1. Тариат сумын Дасгалын төмөр бетон гүүр, 35 у/м ажлын гүйцэтгэгч “Эвт-уул” ХХК” нь 2022 онд 1,393.6 сая төгрөг буюу 87 хувийн санхүүжилт авсан ба гэрээний хугацаанд гүйцэтгээгүй.
2. Өгийнуурын бохирдолт, ширгэлтээс хамгаалах, урсцыг сайжруулах ажлын гүйцэтгэгч "Эвт уул" ХХК нь 2021 оны байдлаар 1,708.2 сая төгрөг буюу 42.7 хувийн санхүүжилт авсан ба 2022 онд гэрээ сунгалт хийгээгүй, ажлын гүйцэтгэл гараагүй.

Улсын комиссын актаар байнгын ашиглалтад хүлээн авсан 14 төсөл, арга хэмжээнээс барилга байгууламжийн 5, их засварын 1 нийт 5328.3 сая төгрөгийн 6 ТАХ-ний хөрөнгийг ашиглагч байгууллагын бүртгэлд тусгаагүй байна.

ОРОН НУТГИЙН ТӨСВИЙН ХӨРӨНГӨ ОРУУЛАЛТЫН ХЭРЭГЖИЛТ 69.4 ХУВЬТАЙ БАЙНА.

Аймгийн орон нутгийн төсвийн 2022 оны хөрөнгө оруулалтаар хэрэгжүүлэхээр баталсан 1,232.7 сая төгрөгийн 11 ТАХ нь Архангай аймгийн ИТХ-ын 2021 оны 12 дугаар сарын 02-ны өдрийн 10 дугаар тогтоолоор "Архангай аймгийг хөгжүүлэх 5 жилийн үндсэн чиглэл"-ийг баталсан бөгөөд орон нутгийн хэрэгцээ шаардлагад үндэслэн Монгол улсын Засаг Захиргаа, нутаг дэвсгэрийн нэгж түүний удирдлагын тухай хуулийн 20.1.18³-т заасны дагуу орон нутгийн төсвийн хөрөнгө оруулалтаар хэрэгжүүлэх төсөл арга хэмжээг ерөнхий нэршлээр нь баталсан нь бодлогын баримт бичигтэй уялджээ.

Аймаг, сумын орон нутгийн төсвийн хөрөнгө оруулалтаар хэрэгжүүлэх нийт 1,803.1 сая төгрөгийн төсөвт өртөгтэй 49 төсөл арга хэмжээний 227.6 сая төгрөгийн төсөвт өртөгтэй 15 төсөл арга хэмжээ нь урсгал шинжтэй зардал байна.

Сумдын хувьд томоохон хэмжээний төсөл арга хэмжээг санхүүжүүлэхдээ ажлын гүйцэтгэлд үндэслэн санхүүжилтийг олгоогүй нь байна. Тухайлбал:

- Жаргалант суманд хэрэгжүүлсэн 45.0 сая төгрөгийг төсөвт өртөгтэй гал унтраах тоноглолтой автомашин, 19.9 сая төгрөгийн төсөвт өртөгтэй худгийн ус цэвэршүүлэх төхөөрөмжийг хүлээн аваагүй байхад санхүүжилтийг 50% олгосон.
- Цэнхэр суманд хэрэгжүүлсэн 29.2 сая төгрөгийн төсөвт өртөгтэй сумын төвийн гэрэлтүүлгийн ажлыг гүйцэтгэлээр олгоогүй.
- Цэцэрлэг суманд хэрэгжүүлсэн 20.0 сая төгрөгийн төсөвт өртөгтэй засаг даргын тамгын газрын автомашины гарш засварын ажлын санхүүжилтийг гүйцэтгэлээр олгоогүй байна.

Цэцэрлэг, Жаргалант сумдын ОНТХО-аар хэрэгжүүлсэн 95.9 сая төгрөгийн 6 ТАХ-д үе шатны хяналтыг огт хэрэгжүүлээгүй байна.

³ Төрийн болон орон нутгийн өмчийн боловсрол, эрүүл мэнд, нийгэм, соёлын байгууллагын барилга байгууламж, хөдлөх хөрөнгийн ашиглалт, засвар

ДҮГНЭЛТ:

Аудитын явцад цуглуулсан нотлох баримт, аудитын дүнд үндэслэн дараах дүгнэлтийг хүргүүлсэн. Үүнд:

- ✓ Төсвийн хуулиар батлагдсан төсөл арга хэмжээний 12.7 хувь буюу 7 төсөл арга хэмжээг аймгийг хөгжүүлэх 2022 оны жилийн төлөвлөгөөнд тусгаагүй байна.
- ✓ Төсвийн хуулиар батлагдсан төсөл арга хэмжээний 98.2 хувь нь аймгийн төсвийн ерөнхийлөн захирагчийн саналд үндэслэгдээгүй байна.
- ✓ Улсын төсвийн 2022 оны хөрөнгө оруулалтаар хэрэгжүүлсэн төсөл арга хэмжээний 17.7 хувь нь үр дүнгүй байна.
- ✓ Холбогдох хууль, журмын шаардлагыг хангаагүй байхад 2 төсөл, арга хэмжээнд 1,590.0 сая төгрөгийн санхүүжилтийг олгожээ.
- ✓ Төсөл, арга хэмжээний хэрэгжилт, үр дүнд аймгийн Засаг даргаас дотоод хяналт шалгалт хийгдээгүй байна.
- ✓ Зарим төсөл, арга хэмжээг ашиглалтад оруулах үйл ажиллагаа хууль, журмын дагуу зохион байгуулаагүй байна.
- ✓ Орон нутгийн төсвийн хөрөнгө оруулалтыг хуульд нийцүүлэн төлөвлөгөөгүй, хөрөнгө оруулалтаар хийгдсэн арга хэмжээний 30.6% нь урсгал зардлыг санхүүжүүлсэн байна.
- ✓ Улс, орон нутгийн төсвийн _... сая төгрөгийн хөрөнгийг бүртгэлд тусгаагүй

ЗӨВЛӨМЖ

Аудитын дүнд үндэслэн дараах арга хэмжээг авч хэрэгжүүлэхийг дор дурдсан албан тушаалтнуудад зөвлөж байна .

Аймгийн Засаг дарга Б.Цэрэннадмидад

1. Монгол улсын Төсвийн тухай хуулиар батлагдсан Улсын төсвийн хөрөнгө оруулалтын төсөл арга хэмжээг аймгийн тухайн жилийн хөгжлийн төлөвлөгөөнд бүрэн тусгаж, хүрэх үр дүнг тайлагнаж ажиллах
2. Хөрөнгө оруулалтын төлөвлөлтийг хийхдээ урт болон дунд хугацааны бодлогын баримт бичгийн уялдааг хангаж, үндэслэн хэрэгцээ шаардлагыг тодорхойлсон, эрэмбэлж үнэлсэн төсөл, арга хэмжээг тусгахад анхаарч ажиллах
3. Орон нутгийн төсвийн хөрөнгө оруулалтаар төсвийн төлөвлөлтийн шаардлага хангаагүй урсгал шинжтэй төсөл арга хэмжээг төлөвлөж санхүүжүүлэхгүй байх

Аймгийн ЗДТГ-ын Хөрөнгө оруулалт, хөгжлийн бодлого төлөвлөлтийн хэлтсийн даргад

Улсын төсвийн хөрөнгө оруулалтаар хэрэгжүүлэх төсөл арга хэмжээний гүйцэтгэгчтэй байгуулах гэрээнд Монгол Улсын Засгийн газрын 2021 оны 160 дугаар тогтоолоор баталсан "Төсвийн хөрөнгө оруулалтаар хэрэгжүүлэх төсөл, арга хэмжээг төлөвлөх, санхүүжүүлэх, хянах, тайлагнах журам"-ыг тодорхой тусгаж, хэрэгжилтийг хангаж ажиллах

Аймгийн ОНӨГ-ын дарга Х.Ганхуягт

Улсын комиссын актаар ашиглалтад хүлээн авсан их засварын 2 төсөл, арга хэмжээг ашиглагч байгууллагын бүртгэлд тусгуулах, 5-н барилга байгууламжийн 5,328.3 сая төгрөгийн ажлуудыг орон нутгийн өмчийн бүртгэлд тусгах арга хэмжээ авах

Сумдын Засаг дарга нарт

Сумын орон нутгийн төсвийн хөрөнгө оруулалтыг төсвийн төлөвлөлтийн шаардлага хангаагүй урсгал шинжтэй төсөл арга хэмжээнд төлөвлөж санхүүжүүлэхгүй байх